


Por topa cu "Bubu y Bibi Burico" di Andrea Tchong-Engels



ORANJESTAD (AAN): Andrea Tchong- Engels a nace na Mierlo, Noord Brabant na aña 1943, el a lanta na Maas y Waal. Tchong- Engels a gradua pa diferente disciplina den enseñansa manera entre otro den handelskennis, huishoudkunde, handenarbeid y SPD. Tambe Andrea Tchong- Engels a dedica mas o menos 20 aña den e ramo di educacion basico y avansa na entre otro MULO y MAVO.

Actualmente Andrea Tchong- Engels ta traha y biba na Aruba. Pa un tempo caba e tin un negoshi propio. E ta duna les di conficcion y ta duna bijles na muchanan cu tine dificil.

Aunke Andrea Tchong- Engels ta un persona hopi ocupa, el a skirbi su prome buki algun aña atras "Pepe Pelican" cu ta trata e bida di e pelicannan na Aruba. Janchi, e personahe principal den e bukinan di Andrea Tchong- Engels ta topa Pepe, e pelican. Den e buki Pepe Pelican, bo ta lesa con Janchi ta bay di aventura hunto cu Pepe y asina aki siña conoce e bida di e pelican mas di cerca. Na aña 2001 Andrea Tchong-Engels a participa como autor den e festival di buki debutando cu su buki Pepe Pelican.

E buki nobo di Andrea Tchong-Engels yama "Bubu y Bibi Burico", cual buki ta dedica na nos buriconan. E buki Bubu y Bibi Burico a worde ilustra door di Lara Kuiperi, un artista hoben cu ta sali pa prome biaha como ilustradora di buki. Ban hunto cu Janchi den e buki di Bubu y Bibi Burico, conoce nos buriconan.

Diasabra awor dia 31 di Oktober Señora Andrea Tchong-Engels lo ta di bishita na Van Dorp Book & Office Dakota pa presenta su buki nobo "Bubu y Bibi Burico", for di 11.00 a.m – 1.00 p.m.